


0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之六



禮部侍郎曾公神道碑

禮部右侍郎董公傳

禮部侍中黃公傳

文簡儀公墓碑銘

禮部左侍郎李公墓誌銘

金公素傳


禮部左侍郎章君墓銘

文肅錢公神道碑

瑯琊

王世

貞續編



鄭曉

曾榮

楊士奇

楊榮

王直

浙江圖書館

安成公神道碑

彭時

襄陵邢公墓誌銘

岳正

補菴費公神道碑

倪岳

致齋黃公神道碑

霍韜

文簡馬公行狀

王維楨

侍郎朱公傳

胡直

瞿文懿公傳

王世貞

浙江圖書館

中順大夫禮部侍郎新途魯公神道碑

魯

浦江宋濂撰



治古之時非惟道德純一而政教脩明至於文學之彥亦
精贍宏博足以為經濟之用蓋自重非之始十四經之文
畫以歲月期於默記又推之於遷固范曄諸書豈直覽之
其默記亦如經基本既正而後偏觀歷代之史察其得失
稽其異同會其綱紀知識益且至矣而又參於秦漢以來
之子書古今撰定之集錄探幽索微使無遁情於是道德
性命之真以至天文地理禮樂兵刑封建郊祀職官選舉
學財用貢賦戶口征役之屬無所不詣其極或廟堂之上

有所建議必旁引曲證以白其疑不翅指諸掌之易也自
貢舉法行學者知以摘經擬題為志其所窺切者唯四子一
經之箋是鑽是窺餘則漫不加省與之交談兩目瞪然視
舌本強不能對嗚乎一物不知儒者所耻孰謂如是之學
其能有以濟世哉此濂銘亡友魯公墓憤激于中而復繼
之永慨也公諱魯字德之魯其氏也孔門弟子邠公五十
七代孫其居新塗吉陽里者已久世裔之傳與夫轉徙之
詳昔以著於公之先墓茲不重載魯大父兼善宋贈大理
評事祖天麒宋宣教郎軍器監主簿父頌元韶州路儒學
教授妣劉氏公年七歲能語誦九經一字弗遺奉禮郎

簡居正理欲以重神舉于朝其父力止之及齒稍長取三史
日記之尋及其餘數千年間國體治亂人材忠佞制度公
革咸能言之有叩之者如山川出雲層見疊敷杳莫察其
端倪公殊不以為足所藏子集動至數百家各攬其精而
掇其華聞有僻書隱牒不俾道理之遠必購得之既得必
篝燈讀之達旦不寐發為辭章龐蔚炳朗毅然有不可奪
之氣廬陵劉提舉岳申與之語連日夜弗休嘆曰不意後
生中能至於斯也其將以文鳴乎杜內翰鄉之文人行也
公負笈從之游益充拓其所未至寤疑辨惑惟日不足遂
以博極群書稱于時公猶謂未要於至道述長書一通謁

虞文靖公集於臨川虞公大悅曰昔程子與張敬夫年十
六七脫然有志聖賢之道子能如是復何讓古人公年蓋
十九矣由是益潛心濂洛關閩之學分別義理密如蠶絲
牛毛而尤愛吳正公文徵之書吳公亦居臨川其著書滿家
無大魚小公一一訪獲之玩繹未嘗釋手久之充然有得
盤桓林泉以道自娛若將終身焉至正壬辰天下大亂州
縣所在繹騷公召里諸豪集健兒持兵以保障乎一方仍
椎牛醢酒開陳逆順禍福言甚剴切衆皆聳耳而聽卒無
敢犯非義者人號曰君子鄉及入國朝有詔纂修元史勒
成一代之典遣使者起公于家公贊夾部居補苴罅

漏者不一而足其功為最多史成上坐端門召諸史臣有
白金束帛之賜公居其首為公將乞身還山會朝廷開局
編類禮書輿論以老成之士無踰於公者共堅留之議禮
之家有如聚言自古難定於一公當群言沸騰之中揚言曰
某禮宜據某書則是從某說則非有不服者爭相辨詰公
歷舉傳記答之各心醉而去俄選儀曹為祠部主事階承
事即時洪武二年十二月也常忠武王薨高麗王遣使來
祭公索其文觀之使者靳不與公不可使者不得已出之
外則襲以金龍黃帕內則不書洪武之號公責之曰龍帕
固疑誤用若納貢稱藩而不奉正朔君臣之義果安在耶

使者頓首謝過皆命易去之乃已安南未貢主客曹已受
其表將入見公取其副覽之其王乃陳叔明公曰前王陳
日燧爾今驟更名必有以也亟白尚書詰之使者不敢諱
蓋日燧為叔明所逼而死遂篡其位中心懷愆故託脩貢
以覘朝廷之意上聞之曰島夷何狡獪如此却其貢不受
五年二月上問丞相曰會魯在禮部今何職耶對曰不過
主事爾即日超六階拜中順大夫禮部侍郎公以順字犯
父諱辭就朝請下階吏部以國法有定不之許倭夷入寇
戍將每捕獲之上憫其無知命儒臣草詔歸其俘公之所
譏有中國一視同仁之語上悅曰頃觀陶凱文已起人意

今魯復如此文運庶其昌乎凱禮部尚書也八月奉旨考
京畿鄉試入院之後忽吐血一升公猶力疾閱卷不息自
是遂奄奄不振九月膏路降鐘山群臣咸見諸咏歌獨公
譏賦以進十月上將郊祀出宿齋宮命取諸作使侍臣更
番誦之至公獨曰此魯魯作耶援據既精舖敘有法豈新
進之可驟至哉十有一月疾逾篤上章乞骸骨甚至中書
以聞上惻然許之十又二月辛卯歸舟至南昌公謂次子
圭曰吾命止明日不能至家矣然吾以一介布之士受
國寵恩位躋法從又得守正而斃死復何憾者不見二孫
之成立也即趣其觚翰為書戒之壬辰次石歧潭果飲衽

而逝距家纔兩驛爾丙申至故居丁酉始具棺斂擇地於
縣南屏山之陽以六年某月某甲子祔葬九世祖高安府
君之塋從治命也公蓄德熙和人近之者溫如春風不見
忿戾之色然其人則山澤之癯身退然若不勝衣未嘗有
所矯飾其處家也事親克孝父喪哀毀致疾踰年而後能
起已而二兄諸姪相繼損館公投淚經紀凶事一年間塋
十餘喪且撫存其孤惇惟恐或失其所平生輕財仗義喜
周人之急四方賓客日登其門公倒屣迎之了無倦容嘗
一試江西鄉闈有司寘諸乙榜人_為不平而公亦澹如也其
出仕也精白一心有知無不為凡典禮涉於制度者必

經公損益而後定雖古者吏牘之繁簡署字之上下人所不能知公獨稽諸書以為決公誠所謂濟世之學者非邪公屬文不喜留橐其徒雖有所輯錄猶未成書其自著書有六一居士集止訛南豐類橐辨誤藏于家他成未脫橐當公脩元史時濬實為摠裁及入南宮又有僚友之好故相知號為最深共生官齋更折互辨每至夜分嘆未學之空虛傷古道之寥落又復相視赧然一笑嚴陵除尊生嘗有言曰南京有博學之士二人一以舌為筆一以筆為舌其意蓋指公與濬嗚呼尊生過矣濬也何以而敢上儷於公哉雖然公未嘗欲棄濬也相期他日幸歸休必偕會焉

共成一書庶可籍手以見前賢公今不可作矣故因銘墓
之文而屢興懷於治古之時也世之讀者必將深感焉公
讀書之室曰守約齋學者遂稱為守約先生享年五十四
歲娶聶氏先二十年卒公再不納配一榻蕭然如山林枯
槁之士人難之子男二人長塾今未請銘者次即圭出為
仲兄後女一人應真適劉奉孫二人正龍夢龍銘曰氣化
糾纏人文昭宣萬類斯甄兮天設地施一偶一奇形聲相
資兮載籍繽紛六藝攸尊各闢其門兮技分業敷散為千
塗混其精猶兮彌綸大邦物采文章有變有常兮不生碩
儒孰軋其樞孰包其腴兮玉筍之陽神珠吐芒莫自翳藏

考大明麗天東帛芟蒐羅俊賢考衮褒鉞誅寓於策論書
輿論所孚考儀曹之升議禮稽經日維烈烈考黼黻帝猷
上窺殷周功在剛脩考所積之訖所發之深開陽闔陰考
正笏垂紳其色閭閻邦之老臣考媚學躑躅其中枵然何
趨霄淵考天胡降衷一鑑之亡四國之傷考其神上征化
為列星寒光晶熒考下射屏山馬鬣桓桓名在不刊考

浙江圖



浙江圖書館

禮部右侍郎兼翰林院學士宛平董公傳

姑蘇袁慶撰

董倫字安常東昌恩縣人世居燕之宛平元末徵辟不出
洪武十五年單縣張寧以倫薦徵為春坊贊善大夫賜冠
帶事懿文皇太子其所陳說多長厚之言高皇帝聞而善
之十八年陞春坊大學士會東宮晏駕二十五年出為河
南左叅議盡心民事名其退之堂曰後樂方孝孺為之記
肇草封事類千言悉當上意二十六年上書薦肇州吏目
諸葛伯衡擢為陝西右叅議三十年以誑誤坐免謫教滇
南皇太孫憐而老之賜白金若干鎰倫至成都蜀猷王深

加禮敬留連彌月賦詩八章以送之至滇用夏變夷士皆
嚮方建文君卽位卷念舊學屢問倫左右多言倫可用召
拜禮部侍郎兼翰林院學士與方孝孺入內閣侍經筵是
年秋御書怡老堂三大字及髹凡玉鳩杖各一以賜倫上
表稱謝庚辰會試與太常少卿高遜志為考試官精於去
取得名士胡廣吳溥楊子榮楊溥胡濙輩號得人焉解縉
之謫河州也與倫書祈哀倫言之于上召還以縉為翰林
林待詔其拳拳汲引類此倫質直敦厚有文學為時所重
濟時匡君之念老而益篤革除年間卒袁褫曰昔魏徵言
願為良臣不願為忠臣有以哉董公以井盤之舊建文中

復赴宣室之召後容清禁壽考令終不與黃齋之難將不
為良臣乎哉



浙江圖書館

浙江圖書館



浙江圖書館

禮部侍中黃公傳

鄭曉撰

黃公觀字瀾伯一字尚賓貴池人初從父贅姓許幼穎敏受學元黃喁喁死節公益自砥礪嘗築翠微書舍讀書洪武二十四年會試禮部第一廷對禦戎策大要以天

善禍淫之機人事練兵講武之法為言擢進士第一授官翰林復黃姓累陞尚寶鄉禮部右侍郎建文中改侍中掌尚寶司事與方齊並見信用文皇索齊黃時觀草詔極其詆斥建文四年觀奉詔募兵上游且督諸郡勤王至安慶聞變痛哭謂人曰吾妻翁有志節必不辱招魂葬之江

上明日家人自京奔至言翁夫人暨二女同被執有象奴
得之索釵釧出市酒散夫人急携二女率家屬十人投淮
清橋下死公慟哭至李陽河間建文君避位朝服東向再
拜投湍流中死籍其家并逮姻黨 仁宗初得釋柯暹為
公傳秘不肯示人後三十年縣尹清江龔守愚於公故址
立祠祀之

浙江

圖

通議大夫禮部左侍郎贈太子太保兵部尚書謚文
簡儀公墓碑銘

秦和曾祭撰

永樂壬寅四月之十九日禮部左侍郎致仕儀公以疾卒
明年十月之十三日諸孤奉柩卜葬于其里之官莊阜仁
宗皇帝既卽位爰念舊勞制贈資善大夫太子少保賜謚
文簡仍自裝文遣行人陳彬諭祭且命其子銘為禮科給
事中銘既受任內庭列職清顯夙夜念先人德弗白于世
恐遂湮沒請予文將歸刻之石以昭弗朽予與公同朝嘗
交遊往來誼不容辭公諱智字居貞姓儀氏萊之高密人
世為儒家曾祖元照磨祖副使父公先元至正壬午十月

之二十六日自幼聰敏五六歲即知讀書既長博涉強記
雖干戈流離之際未嘗少怠于學國朝既平定海內即慨
然曰窮經將以致用方今六合一統賢俊彙征其可有為
之時乎然當是時科舉未興遂膺聘為高密縣儒學訓導
秩滿升莘縣學官兩學諸生承公之教者皆底造就其後
用薦任楊之高郵知州其為政寬猛得宜民甚愛之永樂
初授湖廣寶慶府知府未幾召拜右通政兼右春坊右中
允繼升湖廣右布政其所至有聲譽後以事謫流河公生
而竒特廣穎方面美鬚髯人望而敬之為人正直端重操
守堅確不為矯飾阿徇以求合嘗名其燕息之所曰有恒

一時士夫皆為詩文以贊詠之戊子太宗皇帝念其老成
復自謫所徵拜禮部侍郎不任以事專令輔導今上朝夕
侍左右多所啓沃自是又十有四年始獲蒙恩致仕明年
遂卒卒之日享年八十有一配孫氏子男四人鑑鑄銓銘
孫男十六人孫女十一人曾孫男七人惟公以才學之懿
遭遇聖明得以究其所施經歷中外顯榮始終可謂盛德
之士矣至其在官行事多有可紀述者而銘弗能紀錄之
以傳於後惜哉姑為序次其槩俾刻之且錄以銘曰有偉
儀公夙崇氣節長身美鬚為世之傑發迹鄉校模範是資
歷州而郡民所倚毗銀臺喉舌挂芳兼職夙夜恪恭忌盈

戒溢出掌方面益著厥聲既謫遐濱脫屣浮榮晚貳春官
專職輔導弗詭弗隨繼公以道致政懸車公乃退休菴其
逝矣閔於斯丘文皇上賓仁廟繼統眷于舊臣錫此光寵
贈官賜謚帝命是煌龍文五彩用賁玄堂維公之賢克顯
于壺進退始終庶幾無愧官莊之原有塋斯阡勒石于茲
用垂萬年

通議大夫禮部左侍郎宛平李公墓誌銘

泰和楊士奇撰

宣德七年十月十五日禮部左侍郎李公卒于家訃聞上遣官賜祭師傳六卿而下皆往吊祭卜明年月日縣鄉原其孤粟以治命奉翰林侍讀苗君衷所述事狀表拜請銘禮部尚書毗陵胡公申為之言予與李公同事三聖凡三十年乃按狀叙而銘之李之先君平陽之臨汾大父諱仲智父諱師魯元季隨兄希賢官游燕都遂占籍宛平縣而公生焉公諱嘉字允堅天資擬重不妄言笑自幼卓卓有立志事親孝稍長縣大夫選邑學弟子員前大學士董公

倫時為學教諭公從受業旦暮自策勵所授書率誦讀類
百過四書注釋雖老不忘已而念家貧親老丐罷歸侍養
為師者初惜其去遂獻詩達意其辭懇切師憫而從之後
選奉祠所禮生事太宗文皇帝於藩邸敬恭祀事恒致其
誠無幾丁父憂哀毀動人終喪不飲酒食肉覽父手澤未
嘗不流涕而養母愛敬兼盡初世父希賢死於兵無子倉
卒藁葬公念及輒悲竟卜吉壤備禮而葬焉文皇帝靖內
難預郊守城勞時南兵逼城外城民有負母入城無所依者
公避舍以處之且食之粟民母子得全於急義率類此內
難平錄守城功召至南京有司奏授鴻臚寺序班數月

上親擢為通政司叅議且面諭之曰以爾誠實故擢寘要地必慎必勤毋忝朕命公益盡心乃職一日奏事畢自陳臣有老母在鄉里無兄弟侍側願躬迎母就祿養從之既至時初建北京奉命董運木之後於河南殫其智慮夙夜不懈後表母哀毀如表父詔賜棺及驛舟歸其表服闋仍前職遂扈從北狩自是巡狩皆預扈從後生累左遷鴻臚寺丞仁廟御極陞通政使又生累左遷未行上嗣大統復通政使改北京刑部侍郎念其老不堪繁務又改禮部侍郎公雖精力日衰猶勉強事事未嘗少間再歲以疾聞賜勅褒諭命致仕又數月不起享年七十公持身端謹一芥

不苟取予剛方嚴教人不得干以私其任職細務必親故
所歷寡合終不為變治家整肅教子孫必務學而閑暇道
說國初以來北京名賢故老流風餘韻娓娓不窮聰者忘
倦蓋自是能知而言者亦鮮矣其歷任散官自將仕佐郎
積至通議大夫以公貴封追二代大父父皆至通議大夫
禮部左侍郎大母吳氏榮皆淑人追封故妻封繼室趙皆
淑人子男四粟直剛簡孫男四震謙泰巽銘曰嗚呼李公
有孝有守遭逢龍興陟帝左右剛毅之資自信弗疑顛顛
以持莫之或移納言之司宗伯之貳歷年二十終始一致
白髮蒼顏鞠躬竭誠三聖再上天鑒孔明奎章龍文奉勅

歸第象笏朱衣里閭迂拜從容優游以壽考終綸音及門
寵光降隆嗚呼李公生死榮哀勒銘其藏永示後來

浙江圖書館

浙江圖書館



浙江圖書館

金公素傳

金問字公素吳縣人父道玄見孝友傳問少受易俞貞本
家貧無書從人借讀無不通解求樂被初薦為司經正字
時宮僚多得罪問亦坐繫獄十年非義相餽皆不受時黃
淮楊溥同坐繫人相得甚省躬念咎之暇各持一經講
論曰此處憂患之道也洪熙初命待詔思善門制授翰林
脩撰備顧問論時政得失悉見獎納宣德末擢太常少
卿兼翰林侍讀學士正統間調南京歲餘遷禮部右侍郎
卒于官問文行啟茂義聞流著平生閱履否泰相尋而不
變所操製述雅健精采燁然善書得魏晉筆法星曆之學

尤精然未嘗以語人有集若干卷兄聲亦好古嗜學問事
之如嚴師嘗病熱劇醫云必螺可治方盛寒問解衣循河
覓之得百枚以進病良已子汝進太僕丞

浙江圖書

故嘉議大夫禮部左侍郎章君墓銘 揚榮

國家教養士類于茲有年故四方譽髦之士彙進輩出效
用于時而其竭心盡誠不負所任者若故嘉議大夫禮部
左侍郎章君其一也君諱敞字尚文別號質菴世居越之
會稽高祖斌宋景定中鄉舉第一人曾祖諱某不仕祖黼
父昇俱以君貴贈嘉議大夫禮部右侍郎母某氏累贈淑
人君自幼穎敏嗜學為父母鐘愛暨長為郡庠生師友咸
器重之永樂癸未領鄉書首薦明年登進士第選入翰林
為庶吉士偕狀元曾榮等二十八人績學中祕與脩永樂
大典壬辰冬授刑部主事癸巳命同諸儒纂脩五經四書

及性理大全書成膺賜賚時近京西山有盜肆劫掠逮捕
數百人鞫之多不服君察其寃惟拘其辭色異者一人餘
悉遣出期翌日復至同官爭不可君卒遣之明旦至如約
後勘驗其人皆非盜而一人辭色異者即盜也衆始服其
明復有商夜宿都城外千戶何氏肆人掠其財商疑何欲
訟之何不克自白乃訴於官而自經死 太宗皇帝問其
故命司捕者三日不得盜抵死司捕者乃妄繫何鄰近二
十餘家別取襍弊如商之數而以盜加之君察其誣辨理
之皆得釋丙申

轉員外郎階奉議大夫尋遷郎中丁外艱起復改吏部考
功洪熙初賜誥命階奉大夫丁內艱服除調驗封宣德庚
戌擢行在禮部右侍郎進階嘉議大夫奉詔往安南命黎
利行署國事暨宣詔利遣人白相見禮君語之曰吾奉詔
命至爾蓋小國一酋長能盡禮於使者即所以尊敬朝
廷何用白為利聞即趨拜生于下令所親給侍左右數為
巧媚辭欲眩以聲色君正色待之終不為動及還餽贐珎
異一無所受利曰假此以將誠爾何拒之甚君曰吾奉命
令爾撫輯一隅以廣皇上一視同仁之恩豈為賂至耶
利乃以所餽物付貢使致之且戒關吏俟使者出即閉閤

君付知之及閔親閱所貢方物餘悉封付閔吏及利死君復奉命令利子麟摧署國事閔吏見曰此天使前却金者比還却所贖如初麟不敢更進蓋知君不可以利動也

聖天子嗣位之初平陽王復封晉王即以故護衛官軍田廬為請君受命往理之至則較其軍數量以田廬歸之餘給於民王不悅君啓曰國中先三衛今止一千戶所以三衛田廬而歸一所之人得無過乎且朝廷以藩屏望殿下國內軍民宜均安之庶副
皇上至公之意王悟曰使
方面諸

官早有言吾亦豈敢上煩朝廷哉還奏上嘉之未幾遷左
侍郎君之莅政思慮精密防範周密以國家統理天下既
久典禮品式有因革輕重之殊事或隨時損益有先後予
盾之異而吏胥亦稍緣此為奸於是白尚書胡公取國初
至凡所行條格籍記之付四司使得參酌而行以是事獲
適宜奸弊頓革嘗有點吏嗜酒怠事且增損公牘即寘於
法群吏自是悚息不敢為非太醫院每舉醫者人往匕假
以復怨及徵至多弗諳醫君察知之遂偕尚書奏革其弊
比歲僧道數給度牒輒以千計君與尚書請依洪武例三
歲一給凡僧道出家及奉為僧道官者止於所居封內不

容越籍冒濫四夷貢使日給廩餼庖人每侵剋之君聞之
曰小人為口腹計而使朝廷薄懷柔遠人之禮可不禁
乎即今所司其日給之數付通事者或給不如數乃從而
督治之自是遠人以為朝廷待之加厚也君生洪武丙
辰十一月十有四日歿正統丁巳十二月四日享年六十
有二訃問遣官諭祭命有司治喪葬君為人性質端厚接
人待物意氣豁然賑貧濟難尤克盡心在刑部時有同官
尤許二人生累謫戍邊君資之甚厚後又汲汲欲授之既
而許

果膺薦為御史歿又為之經理喪事恤其孤嫠尤既先遣
其子伐戍而窘甚乃贈以裝金幣且遺書所親在邊者令
周之其輕財重義類如此君問學優裕為文簡暢所著有
質菴藁藏于家配葉氏先卒累贈至淑人繼趙氏封淑人
子男五人長槃次瑾葉出也瑾丙辰進士璠璣璵出也
女一人適錢康孫男一曰恩孫女四瑾將奉柩葬其鄉稷
山之原乃匍匐泣拜請銘予素知君存心行已居官臨政
皆有足稱者故不辭而銘之銘曰 於皇 太宗乘時之
隆登崇俊乂以熙沾功嶷 章君奮身科第丕承寵光績
學中祕爰受恩命勤勵自將偕諸髦士以頡以頡迺職秋

官式敬由獄迺登正郎天官之屬祗事 列聖垂三十年
厥績懋著垂卿式遷奉使南交誕播威德禡其奸驕安彼
反側惟守之確惟績之勞視彼金帛藐若毫毛 帝用爾
嘉信任一致君亦摠誠終始弗替夫何遘疾奄忽云亡宸
章諭祭燁乎恩光燁乎恩光垂之永久誌幽有銘式昭不
朽

奉議大夫禮部右侍郎謚文肅錢公神道碑

泰和王直撰

公諱榘字習禮吳越武肅王鏐之後初吳越歸宋子孫皆
顯仕其為吉州防禦使曰惟濟子昕遂家廬陵三傳至貴
和徙吉水諸源為望族曾祖以吉祖立志父好德母赤岸
陳氏皆以德義重鄉里公生而喜學父母兄弟皆鍾愛凡
所師友者見其文敏而思深且多出腹藁莫不奇其才從
學南昌訓導顏子明而卒業於翰林修撰張伯顏永樂六
年江西鄉試第一明年會試中第十時車駕幸北京廷試
不果由是役容京師間縱觀聖朝政化之美声明文物之

盛四方萬國謳歌朝覲之會同而才益進九年廷試取進士入翰林為庶吉士尋升檢討叅史職甲辰會試命公為同考八月仁宗皇帝卽位一新庶政陞翰林侍讀與知制誥洪熙元年賜勅褒贈父母及封其妻勅同修太宗皇帝實錄仁宗皇帝升遐宣宗皇帝正大位勅修仁宗實錄公亦與焉時有詔許焚黃公承命以往丙午促召還京偕太子少保金幼孜等入見命完修實錄二年春闈則命公為同考官三年戊申元夕賜文武近臣觀燈萬歲山賜宴公及文臣賦詩以進賜之鈔四年八月應天府鄉試奏請考官命公為之十二月朔是日霜寒甚上命祿賜在廷文

臣羊酒以禦寒曰皇祖考在位每旦常有賜今朕多事忘
之汝勿忘五年兩朝實錄成賜金織襲衣銀幣考禮部會
試升翰林侍讀學士篆給告命贈父以已官母與妻皆贈
宜人痛寵命之不_及也哭之過哀七年駕過史館有作
併賦招隱之歌以示近臣蓋是時天氣清明聖心悅豫懷
賢覽古悠然天趣之高發見於吟詠於此蓋可見也八月
考北京鄉試十年乙卯春宣宗皇帝晏駕今皇卽位二月
上宣宗尊號賜白金秋九月詔修宣宗實錄十二月賜文
綺丙辰正月改元正統大臣建議開經筵詔可其奏公與
為講官三月上臨軒策士公讀卷勞以羊酒賜晏于禮部

戊午四月進宣宗實錄上御奉天門慰勞甚至賜白金文綺織金衣襲升翰林學士賜晏于禮部八月應天府鄉試命公為考試官四年充廷試讀卷官六年考北京鄉試七年壬戌為行婚禮賜紗衣紗帽金相香帶等物九年甲子三月大新國學成上祇謁先聖躬行釋奠禮幸彛倫堂命祭酒司業以書易進講從臣坐聽公與其列七月公上章乞致仕弗允且降勅諭天下憲臣及縣令有難其任察舉以問公舉所知而人以為當十年乙丑禮部春試上復命為考官三月進五倫書蒙賞齋冬十月欽陞禮部右侍郎公以老病懇辭弗獲諭使就職朝廷稽古右文事多由禮

部公夙夜祗慄惟恐有弗稱上又命兼署吏部公益謹畏不自寧求去益切詔許之公卿大夫餞行出都門皆有詩公獨取歸去未辭長歎以自快人莫不以為榮而喜聖德之厚也公孝友忠信篤於倫誼厚生送死君子稱之至姻戚故舊亦無悖於理者在位三十餘年以文章議論為士類所敬樂於教人學者亦樂從之遊典文衡者八讀卷者二佳時暇日擇勝往遊長篇短章發於歌詠以揚太平之盛美及老而歸願老之堂子孫侍教者十五年凡所著述論詩聯為大卷有應制集詞垣續藁歸田藁藏于家後世傳焉天順四年九月嬰疾五年四月益甚五月二十二日

終于正寢春秋八十有九計問上為之嗟悼命禮部賜祭
工部為治祠墳謚曰文肅配王氏繼娶曾氏皆有賢行子
二長鸞停先卒次鳳躍習舉子業女一人孫氏某曾孫男
某初公之歸即欲為安樂窩得地于其里洲背山而營焉
至是鳳躍以其親戚高僉憲所述行狀請於予曰先考文
行公知之且交最久神道之碑非公孰宜為予老且病不
得辭乃勉副其意詩曰洲背之山有崔者墳是誰所營武
肅令孫惟此令孫克勤帝載由唐而興日廣且大歸于有
宋以德以仁衣冠相傳有土有民天作中孝賢者相繼維
時能未繫公是視公之遊此旌旆于于山靈未瞻夙卷雲

舒植木有本
曬水有源
公之本源人
其式旃公每
來歸子孫
翼翼誦詩
諸書有永
無斁惟公
世家海內
所聞政事
文章亦煥
其羣我與
為友式篤
于義九十
而終尚利
後嗣公官
三品神道
有碑我作
銘詩百書
之詒

浙江圖

浙江圖書館



浙江圖書館

通議大夫禮部右侍郎安成公神道碑

巴人彭時撰

國朝以天下之事分任六部長貳非負才德重望者不
遷故當時以為極選其有遷自翰林者人望尤重蓋翰林
兼有文學之長故也然長於文學者政事或不足語政事
文學兩盡其能若吾李公者世亦鮮矣公諱詔字克述世
家安成人浮山為鉅族自幼失怙而有立志稍長補邑庠
弟子員後前叅議鮑先生嘗受春秋年二十領宣德丙午
江西鄉薦癸丑會試中經魁廷試賜同進士出身觀刑部
政是歲奉使雲南歸遇宣宗皇帝銳意儲才合臨御以表

三科進士數百人拔其尤者應二十八宿為翰林庶吉士
俾積學以俟大用而公預為其優禮給賜一循永樂甲申
之制仍賜御製詩以示勉勵公感激淬礪卒以大進乙卯
英宗皇帝嗣位擢翰林檢討預脩宣廟實錄為檢閱校正
正統戊午書成賜白金文綺加祿秩并賜宴西苑一考最
進階徵仕郎贈父如已官封母太孺人妻孺人已未以判
員賜歸鄉里其年驛召復任充經筵官丙寅丁內艱己巳
服闋之官踰月滿九載陞脩撰是秋北虜寇邊六師敗績
于土木朝士多遣家南徙公曰主辱臣死奚以家為卒不
二年午景泰紀元兼經筵講官辛未同考會試壬申陞司

經局洗馬兼脩撰甲戌主考會試兩持文衡去取公當士
論翕然推服尋奉命祀南嶽舟至洞庭阻暴風為文禱于
神俄頃風息舟行無虞是歲賜誥進階奉直大夫贈封父
母妻如制丙子預修寰宇通志成賜白金綵幣進右春坊
右庶子兼翰林侍讀天順丁丑改尚寶司卿仍兼侍講尋
學院事冬陞學士賜二品金織衣戊寅奉命與諸學士更
番侍東駕講學于文華殿尋陞禮部右侍郎時有結權貴
圖進者上不許密訪近輔求才德老成厭服人心者得公
甚喜曰朕知其人久矣次早召吏部陞任公聞者為之驚
喜及卽任公卿往賀尚書王公翺舉酒酌曰天選侍郎也

蓋以前此倖進者多旨授故云已而權貴不平伺閭諸公
奏事多南音上曰大臣以德選何以聲音為是年國子祭
酒陳詢致仕去吏部舉翰林一人未用乃請以公兼領之
上謂翱曰禮部不可無此人則別選代之翱退語同列曰
我不知李侍郎見重於上如此已卯夏四月賜諸大臣遊
西苑且命內臣陪宴盡歡中有醉失儀者公執禮益恭謹
既歸復為文記之辛巳蒙賜誥進通議大夫贈二代拜妻
如制癸未會試知貢舉防範嚴密一洗塲屋宿弊有怙勢
諸託者峻却之弗顧甲申今上卽位命翰林纂脩英廟實
錄以公為副總裁越二年書垂成公沾微疾卽上章求解

任上察其誠許暫歸俟疾愈復未肯成化丙戌秋八月也
既歸疾良愈足跡不履城市或諷公曰疾愈矣可不出耶
公曰吾老矣出將何為辛卯春國子祭酒為其屬所構去
天官議曰國子監成賢化俗之地官不重不足以隆師道
然官之輕重係乎人今必得學行老成有名望如李紹者
居之則師道立矣乃授洪武初起致仕尚書劉崧署司業
例起公為祭酒疏入即日降勅遣人乘傳召公命未及門
而公卒矣士夫大初聞召公相慶于朝比訃至又相嘆曰
天不興斯文耶何奪李公之速也上悼惜遣官賜祭且命
工部造墳以壬辰十一月二十八日塋于本縣十三都下

材南埧金鷄嶺公生永樂丁亥十二月二十七日辛成化

辛卯正月二十八日卒成化辛卯正月二十八日壽六十

有曾祖考諱慧龍學行為鄉里師祖考伯魁考遵武俱贈

通議大夫禮部右侍郎祖考劉妣劉妻曾俱贈淑人子男

六環休寧縣丞玘國子生瑤監察御史璉國子生琛璠孫

男女各八曾孫男一公休貌豐偉識見明敏苦刻問學少

壯至老未賞一日去書不觀自六經子史下至地理醫卜

方技之書靡不精究問四方有異書及古碑文字必購求

之故積書甚富其為文力追古作規矩嚴謹有得於歐為

多其字畫出入晉唐間叅以蘇長公之剛勁奇逸自成

一家與人論文評書必先法度見人制作稍不合則曰是無師承不足觀也察後進有志於學者獎掖稱譽惟恐不至處僚友以誠勸善規過言直意盡雖衣冠不止舉止失度亦必告焉其愛人以德如此平居以經濟自任通古今廢興之故達政治弛張之宜叅稽辨析竦人聽用其或先事計成敗與逆料人之情偽驗之日後不百失一二居官以文字為職者二十五年纂述考校恒盡心不苟典禮八年一以正道輔其長過吉凶大禮斟酌損益同列無不讓能始為檢討卽以剛直得名楊文貞公深加器重比寢疾英宗遣內侍詢人才文貞舉公輩五人以對當時雖未

及用而歸然負公輔望自是始矣士林每徯公大用以展
厥蘊而遽止於此宜乎上下交悼之不已也昔公從學鮑
先生嘗館穀余家暨余至京亦主公寓以後聯官聯事又
聯比而居相徃還談論甚密公喜曰吾與人言多不合與
子論事十回八九何耶嗚呼余豈公比幸賴公切磋之益
而公以疾去竟不復起然則余之悼公豈常情比耶焯德
墓道其又何辭謹序述如右復系以銘曰奕奕安成山水
清激秀鍾于人著自古昔高才明德世有顯庸秩躋亞卿
實始于公公貌魁竒公才傑特增重鄉邦匹休前烈奮興
科第際遇聖明儲才翰苑頡頏羣英踐歷清華迺遷翰長

直氣雄文縉紳翹仰帝心簡在爰陟亟卿國有典禮是程
是經兼史總裁功多同輦陞榮有期歛焉而退身退名高
天子懷思表儀曷監匪公而誰召命及門而公先逝朝野
興悲士林殞涕嗟公才具用無不宜彼蒼弗佑迺嗇厥施
施用未宏歛畀諸子踵武仕途未已有子有文有偉
有年竟終有詔其何憾焉麟碣龜趺鼎臚焯德有辭
尚乘永世

浙江

浙江圖書館



浙江圖書館

奉議大夫禮部左侍郎襄陵邢公墓誌銘

溇邑岳正撰

遜之諱讓族居平陽浮山分襄陵葬故閔鎮西平原者冢
多至不能數曾祖伯川祖敬初考諱茂政娶郭氏生三子
遜之其季官至禮部左侍郎罷歸成化七年八月十八日
卒兄訓遣信計正正輟泣問狀知遜之初甚適其卒朔旦
偶拈易自占得臨卦愀然曰詎應胡宗歟胡宗蓋談命者
去年謁吏部尹侍郎同仁同仁漫戲宗曰誑者何之又曾
誰誑乎宗因舉遜之對曰明年八月此公果凶當信宗非
誑者後遜之亦問此言恠易卦辭八月有凶符宗故不樂

云數日果病幸間朝使董主事齡者過談移時去覺腹痛
不止翼日日將落就絕忽陰翳雷雨遶舍霽而復作者四
日遠近傷悲及行路發書遜之遺言要銘於予予尚忍銘
遜之邪遜之幼能自拔年十八領鄉薦不利春試入太學
嘗居古廉李先生講下與山東劉叔溫並價年二十二登
戊辰進士第選翰林庶吉士一年除檢討適先帝狩虜虜
使請歸駕朝議擬不答上䟽言奉迎事宜謂當顧義理不
當論事勢今若不逆詐而往迎彼或食言則誑不在我將
謂處分已定虜使去度閔無及臣愚以為內廐饒馬追煩
一騎而已由此揚善等始有瓦刺之使先帝旣復辟獻密

忠者爭自陳得賞正時承乏內閣忠國公石亨嘗以上聞
遜之時守制覓草不得不果遜之起復與人言未嘗一及
之北監從來不會饌師生飭生料料半抄鈔鈔出京稅課
額無定不得時給給者往往以故去官鈔遣下號久不支
數率見侵盜自古廉柄學政始用資官諸費生吉凶病死
貧不能存者多賴以濟古廉亦用是妄名成化二年遜之
自修撰超主國子一意起廢不顧慮法有言者輒曰如愧
古廉何初鈔用輕且陳敗人不難棄近稅聽半鈔錢錢用
益重遜之又離監任衆乃造意要不次受給得此錢大熾鼎
沸鍊就詔獄遜之竟以前祭酒抵罪坐除名為民將歸過

予言別曰兄頗聞日者言弟今年欲死乎弟不死諸公生
得錢槩當黜弟為引伏全之古所謂有陰功者不死謂此
等爾距今前兩月人喧傳遜之已死予出其近所寄詩與
辯且遜之死不死何與人人謀之乃爾豈世所謂有命者
真和遜之資度寬敏外撲而內明決於藝作為文字章句
簡重受咀嚼點畫清勁近李北海尋常自處早下衆皆之
及得政則定力不為搖撼者小動在國子採用古法教新
士告不便持不揚輒人始毀之竟胎禍烏在官凡三出使
奉詔主考南京鄉試得文獻通考等集因購書數百部聚
襄陵學宮其惠未士將持節封肅王王富饋遺不貲並

不受時不兩伐祀北嶽輒得兩娶梁氏甚賢明嘗與遜之
母郭氏累受封為恭人三子震霖邑庠生需幼女二未笄
壽四十有五而已兄訓有隱操謀以今年十月二日歿之
西平先墓銘曰理行氣從在人惟逢福際其會禍或值悖
不我負理氣妄其使其會與悖人孰能外我銘遜之可以
無愧

浙江

圖

浙江圖書館



浙江圖書館

嘉議大夫禮部右侍郎補菴費公神道碑

錢塘倪岳撰

廷言之卒予率諸僚往哭之越八月其子衍衡輩至自其家奉其同年友圭峯董學士所述狀乞銘于西涯李學士以葬復奉狀請予文諸墓道之石因憶成化己丑春予為翰林編脩時與西崖及篁墩程學士同以書經考禮部會試揭曉之前一夕拆所取第一卷則廷言也明日退朝賜宴於禮部大宗伯姚文敏公舉酒屬賀曰崔吏部巡撫南畿所得士也可謂得人矣去今二十五年忽忽如昨日事豈謂遽為古人不可作也悲夫按狀廷言諱閭姓費氏

言其事別號補菴世居京口之丹徒譜牒散佚莫究其所
自獨傳宋季兵變閉城者十七日民且饑死費有諱黃者
為粥食之賴以全活民德其惠名其所里曰黃祐今譌為
黃以時考之或其五世祖云四世祖天起高祖仁夫曾祖
文盛祖仲榮考淑高妣朱氏廷言生有異質年十一選為
群庠生治詩經試不偶乃改治書時崔公方蒞其地及林
侍郎一鶚為之守皆名知人雅重廷言咸以禮待之領天
順壬午鄉薦登己丑進士士簡入翰林為庶吉士得闕中秘書
學有造詣辛卯授編修甲午滿考得賜勅贈考妣如制妻
封孺人乙未二月同考禮部會試丙申選與經筵丁酉

擢國子監司業庚子乞歸省祭賜寶鏹千貫為道里費丁
未滿九載進左諭德仍理司業事十二月進祭酒明年戊
申改元弘治聖天子肇開經筵為講官賜白金三十兩文
綺二表裏寶鏹三千貫車駕幸太學進講如儀賜大紅金
織衣二襲降勅獎諭仍宴于禮部己酉命克日講官改少
詹事兼翰林侍讀入吏局纂修憲廟實錄辛亥八月書成
進詹事兼侍讀學士賜白金三十兩寶鏹三千貫文綺四
表裏大紅金織羅衣一襲仍賜宴於中軍都督府十月進
禮部右侍郎廷言平日謹畏自持自為日講官及為禮部
當奏對恒惴慄若不能出諾口嘗謂予曰某自夙興當造

朝即心掉足弱不可忍迄退朝始安早暮憂惕因以致疾
在告將三月具疏乞傳祿養病以去上不允俾在任調攝
給祿如故明日增劇越五日而卒癸丑六月三日也廷言
儀度魁梧豐頤美髯善談論識事理周旋世務若無不可
為者始官文翰弗克少見於用其在國孝教法有度士子
悅服及佐典大禮每郊祀為分獻官廷試為提調官親王
妃主嘉行之禮皆以贊相之間寔賚有加然不七歲而官
五轉衆方期遠到而遽止是也惜哉廷言早失怙事諸兄
盡禮與人交克全信義自處儉約平居善撿飭未嘗妄費
一錢恒以訓諸子性尤曠達始病即為治棺經紀後事甚

悉會暑月倉卒歛靡一弗備識者稱之作文有奇思詩亦
飄灑所著有自考集語笑集瀛洲奇處錄向陽書舍稿補
菴稿藏于家作費氏宗譜斷自所知事信而核編聖駕臨
雍錄著一代儀文之盛梓行于時其生以正統丙辰三月
四日得年五十有八娶張氏有淑行男子五行衡街張出
庶子銜側室徐出行衡俱群庠生銜出後伯兄讓子女五
吳鑄李旦張準歐陽璉程孝同其壻也孫女五行等扶柩
歸予復遣人護視以行將以甲寅九月某日葬于郡之京
峴山朝廷命工部為營塚壙命長式諭祭于其家哀榮終
始廷言於是乎可以無憾矣銘曰江東有木楸與章根蟠

厚地摩青蒼，巨石睥睨喜。欲狂萬牛心，必致歸明堂。輪困旁
礴登巖廊，巍然屹立時。之望夙雨侵，凌蠹且傷用。之未久
嗟淪亡，生承帝眷。夔異常，後錫彝。祭尤霧前途，若短後則
長翩翩五鳳嗟。諸郎偉其繼者，孰可量京口之山。推故鄉
噫千萬年此其藏。

浙江圖

嘉議大夫禮部左侍郎贈都察院右御史致齋黃

公神道碑

南海霍韜撰

黃致齋諱宗明字誠甫先祖姓薛至致齋乃復姓曰黃先是致齋有祖諱秀育舅氏薛子良家曰薛秀子孫襲薛姓致齋祖瑛為廬陵教諭圖復姓不克與祖母董夜坐悒悒言致齋時八歲聞言自任誌不忘迨登第正德甲戌歲也首䟽黃姓別為祠記薛祖禮也乙亥授南京武庫主事己卯陞武選員外郎宸濠反上江防三策上諫南巡䟽武皇帝幸南都百官服罩甲衣以朝致齋約言面奏不宜服襲不果遂告病歸寶巖山中辛己陞工部屯田司郎中

不起癸未補南京刑部四川司郎中時羅峰張公疏議大
禮百僚醜詆曰奸邪云奸邪云致齋獨曰繼統者三代通
制繼嗣者王莽蔽謬我祖皇帝純法三代公侯伯軍職承
襲或弟繼兄或叔繼姪皆曰弟曰姪不曰子公侯伯如是
天子何獨不然乃名于疏卒正典禮乙酉陞江西吉安知
府下車首建白鷺洲書院以道德勗諸生次平臣寇次治
奸吏次決健訟次行清里法次行團甲法次行義倉備荒
法皆有條緒丙戌轉福建鹽運使丁亥召脩明倫大典丁
母夫人憂弗克行己陞光祿寺卿輯光祿須知為疏以進
疏畧曰帝王謹德供御飲食至為切近又曰宗廟致薦祭

竭誠致報防奢止欲養德養身不可不慎又曰乞為中制
使祀而常式薦有常品善有常味賔賜有常格多寡有常
數貪饒無所於利上嘉焉著為令又應詔書四事一曰求
才臣記太祖高皇帝有曰英雄作事為有深仇當時屈用
群策奮死效力者皆對挺角逃之徒太祖准不之仇是以
坐享成功陛下以君之尊有父之親臨馭臣子今日有罪
明日誅耳今日赦之明日用之誰敢懷怨臣願赦過宥罪
舉四方廢棄之人以充任使仍令京堂各舉部一二曰勵
志今百姓飢餓四方告變獨陛下憂形於色廟堂之上恒
若無事民且相食盜賊滋生尚悠悠不圖伏願益加兢揚

使百官明知陛下知儉於有位崇儉節用易曰其亡其亡
繫于苞桑三曰定計今當國者患至始慮事過即休譬之
無終日之計自成化以前淮安徐州臨清德州通州倉有
儲積飢饉有備正德年未亢食者衆京儲糧少倉廩空竭
宜擇大臣發銀百萬委之操出納歛散之權制四方盈歛
之數專實徐臨濟德通倉儲荒田者可屯者屯法散壞者
便宜區處期之數年安邊足用之長策視今日相遠萬萬
也四曰責任近日中外臣工更代不常違衆獨立者多不
理於口功將就緒事從中沮以歲月積累之勞墮廢一旦
願久任以責成功不為遙制不求速效不以一事之失遽

棄不以一人之言遽疑俾無畏忌而盡其材皆切時弊壬
辰陞兵部右侍郎編脩揚名言事下獄又疏論救畧曰揚
名經兩次用刑死而復蘇萬一困斃反為仁明之累臣終
夜長嘆繼之以淚觸骨萬死不能已於言也上為霽威仍
出叅閩省政癸巳冬特召補禮部右侍郎乙未轉左侍郎
丙申冬十一月卒于位自甲午至丙申鞫輿致齋角川
日集伺朝所致齋講陽明之學曰致良知曰知行合一與
角川異辨說勢孽莫相一也韜曰聖人位育亦心性事謂
良知非吾聖非也然而有聖人之知有下愚之知率下愚
之知認欲為理認義為利曰吾良知吾致吾良知是聖跡

混謂致良知直進聖亦非也知行合一矯學者口耳之蔽也
要知與行亦自有辨過矯反弊乃致齋下世不惟功業
未究韜於學問亦無與切嗟者同贊大禮若席元山挂見
山先薨今年張羅峯繼薨致齋復損世遺予孤立豈不哀
哉豈不哀哉乃輯大畧為致齋神道碑姓族考妣官贈之
詳其墓誌茲不序銘曰浙有多賢古鄞其尤鄞有多賢致
齋其傳致齋之賢直方溫柔致齋之才上濟徽猷致齋之
心忠時之憂初任兵曹變起逆藩勵猷忠謨密濟時艱時
不績庸病歸寶巖聖人御天迺起寶巖翼正大倫辨疑詰
難彛倫大明世道大閑載陟光錄載翟積弊應時納切時

大計載陟司馬品品不忌亦乃釋位乃叅閭改乃贊邦禮
受知聖世可大行志乃爾適乃翁適逝檢小側睇檢小增
氣正士匱氣正人身世重輕百世銘翁神道式是世世

浙江圖書館



浙江圖書館

嘉議大夫禮部右侍郎兼翰林院侍講學士贈禮部

尚書謚文簡馬公行狀

華川王維禎撰

西玄先生者綏德州人也姓馬氏諱汝驥字仲房其先山西臨縣人有諱仲謙者宋兵亂避地綏德因籍故馬氏遂為綏德人五世而至秉吉秉吉生震震生永盛永盛為壽官壽官生驄驄號烟山馬氏自烟山公始讀書為儒而烟山數竒積學竟不第以歲貢為夏縣訓導陞萬泉教諭教諭生四子長汝駿配党氏出次即先生汝次驛次汝驕皆側室王氏出教諭後以先生貴贈中憲大夫通政司右通政党王俱贈恭人先生之生也為弘治癸丑九月十九日

烟山公在夏縣學其夕夢月墮扉字中起取而抱之懷覺
異之以為子得必顯後烟山公自萬泉棄官携先生歸綏
德先生尚幼乃即善舉子業讀書一見輒誦而又即好聲
律吟咏之學試于有司有司異之稱馬先生以為年少而
奇非常人也乃正德庚午舉鄉試丁丑卒進士己選庶吉
士尋授編脩號為才子能詩然先生為人沉毅有大節己
卯中武皇帝欲南狩諫者輒獲罪後縮莫敢諫者先生曰
即畏罪寧不為宗廟朝廷所乎乃奮氣抗疏率諸同館士
赴闕上之疏出先生手切直言巡遊有隱憂伏禍不可天
子怒罰跪闕下五日己又杖之諸上書者悉調外而先生

調澤川知川澤故多王府王率聽用邪小暴侵民利澤人
苦之而未能有禁也乃因事稍懲其左右不法數人為條
告誠暴止王以書未請私好荅使者去已即書櫝中封之
所請或以法得釋又使將謝乃首使者至櫝前啓取書還
之實未發為報曰法誠如是吾安敢低昂徇請乎後書不
更未陵川令葛者賄人也害人怨之庶得狀議欲黜令
有巡按御史者以親故為葛解甚力不聽竟置于法威聲
震于部中辛巳今天子即位錄前諫者忠詔知州還為編
修如故澤人攀泣而送之者以百千數而前王以禁不得
暴及投書不發者亦郊祖頌德焉曰馬先生民之父母國

之正人也其年天子用吏部請旌往忠加俸一級名由此益
顯癸未會試為同考官以觀卜才氣取士多類己乙酉武
宗實錄成有纂脩勞陞脩撰明年母王氏卒歸三年烟山
公亦卒先生連哭其父母至嘔血數劑制起陞南京國子
監司業尋改比監司業會天子幸大學充講官坐講言辨
而正賜文綺而司業歷二祭酒不得有規畫然諸生固知
憚馬先生先生持重有儀度居數歲陞南京通政司右通政
又三歲為國子監祭酒於是先生慨然曰自予為司固嘗
念諸生善逸繩之今與諸生約度所能行耳期勿犯必罰
如懸格不解其所約有懲跡跑勤考課稽德行肅威

儀數事今制太學生出散諸曹歷事出序視入不得越而
捷者或因貴閥說求越病出率不聽即序及抑奪之曰以
懲求者蓋自是大學之教彬彬循循多可觀云庚子禮部
右侍郎缺陞祭酒右侍郎當是時少傳袁州嚴翁為宗伯
宮詹松江孫翁為左侍郎而上興禮樂創制度諸大典更
起不絕諸公曰褰講儀而先生洽覽群籍習識今昔之故
遇可言則問荅如響平居視之顧恂恂若弗能者嚴翁賢
之有嘗善其詩愛重踰等居久之嚴翁拜相見上言馬侍
郎賢上由是知侍郎因以其官加翰林侍講學士寵之而
先生故病肺為詩晚節愈益工自始仕至今未嘗一日廢

書不觀皆以勞弊心神由是復病會又哭其內子鬱鬱惻惻不能平遂卒癸卯十一月六日也年五十一歲上聞札下內閣問故嚴翁具悉而對上悼之為遣官祭護櫬歸勅有司營墓加贈尚書以其德履謚曰文簡蔭孤逢乾為官生皆殊渥也今不死得乘會歛起佐明主濟昌時其功業可勝道哉公故嘗論政者三要五術六微七疵八難說甚其竟不及施死矣公性庶不好居積所得俸祿悉以給昆弟親戚困無依者弟汝驊死厚恤其孤而汝繡亦籍以立有甥十餘人數未乞公公應之不為怠卒之日御史楊子本深以其女聘逢乾郎中南子逢吉檢討王先生維楨

皆以鄉故咸會哭其室已其發筒視之無有也翌日嚴翁
耒吊知之為賻治棺殮而今右相南群張翁者以繼嚴翁
為宗伯與文簡為寮又耒賻而孫翁既已賻又時時即其
館撫孤逢乾為問服食烏先是孫翁使楚有子疾在理去
難之公曰慰先生第往吾能子視之以無憂今孫翁視逢
乾亦如之云公初娶君人劉英女以弘治壬子正月十三
日生嘉靖己丑三月十九日卒年三十八有婦德事載墓
誌中贈恭人生一子四女咸夭繼娶劉氏故霸州知州中
部劉君璋女封恭人恭人天性樸儉衣不御綺日食一菜
脫粟之飯寔助公庶然又慈家人有生得野雀獻者亟命

放之先公五月卒寔七月二日也距其生正德癸酉八月
十七日年三十有一女一幼側室張氏生一子即逢乾辛
十年所矣公室遂無人卒時獨二孤哭其惟而弟汝驥及
汝驊子會亦至哭之曰汝駿者公長兄也今汾西知縣前
廣德州判官上計未京期視公疾比至亡哭之會遷官以
其櫬歸嚴翁受誡撫孤今年夏以子大學生一乾自汾西
抵書維楨曰營壙且就卜以今年五月二十一日納文簡
與其配二氏合而碑志非得當世尊顯者之撰則莫以信
示來世予將哀乞為子業諾為狀有乎楨于文簡公為館
局晚進又甚不肖而公顧謂我為小友也接遇至勤行能

緒論私竊寔多乃遂與紀次其事公所著詩文若干卷公
且卒之十日自榻前屬維楨舉手曰幸為我按此集收之
令勿散滅亡也予歷官多閒曹建立少最致心力獨此耳
公談詩常依深嚴忌漫緩淺俗今校集乃自作固如此校
定且謀之梓擬稱曰西玄先生集而未能也先生號西玄
今刻西玄詩行世者集十一耳

浙江

浙江



浙江圖書館

侍郎朱公傳

胡直撰

朱迂字子禮其先徽之婺源人高祖志先始著通山居
烏登癸未進士授諸暨縣令暨鉅且煩號難治去至一以德
子之新鬻社勸農桑申鄉約榜訟誠而義倉義橋義塚之
設凡以惠民其尤惠者均里甲止海塘夫歲省夫銀力各
萬計治稱第一晉拜河南道御史既去暨人建祠祀之少
傳謝迂為之紀其政於石立左道激揚達休嘗陳城朔方
足兵食二議己丑巡兩淮鹽政作商誠九以諭商御史誠
九以自勵又條陳法宜行事鹽遂通課益昔百七十餘萬
上褒之曰功勤可嘉賚以金幣辛卯巡按順天肅憲

真度有埋輪風時元宰濁政立抗疏論列人為之吐舌又
條陳六事切中時病一時無不歛手以避者壬辰巡按四
川首疏停採木之役民獲更生土番夷釀亂松潘梗貢道
為世邊患 上怒 命將征之 書 勅立督其事立冒險
疾趨壁壘親授計將大舉兵會銜立者以他事罪立使聞
住立曰天不欲我需成功乎乃賦詩院壁去有一寒豈是
封侯骨萬死寧忘養士恩之句無何功臣各膺爵賞錄不
及立潘都御史至衆論民謠僉謂立功當首叙將領中至
有願移己賞以賞立者隨按實及摘立詩聯奏之 上嘉
嘆懋賞復其官適順天缺督學御史遂推立為至則倡明

正學敷揚 聖訓宗雅黜浮先德後藝一時休變還淳丁

酉陞南太僕少卿克勤牧政已而懇疏乞歸養母比歸自

調旨膳不煩他室皤然膝下人比之老耒子云越歲母終

哀毀踰節服闋會詔大臣各舉堪任邊方抚治者南僕正

田濡等首會奉立拜僉都御史丁未擢大理卿應 詔陳

慎刑名清吏習正士夙三事中外聞者无不曰真救時之

之本也戊申陞工部右侍郎己酉轉禮部右侍郎有嫉立

軋己者譖諸言官論之復以聞去少師徐階深惜之欲以

身決其去就既去人意立弗樂立曰君子進而行道則游

廟廊退而修其道則優游田里何往而非可樂者至通

日惟課子賦詩而已先是厥考嘗從陳獻章蔣因以聖賢
之學期立立後又得王湛鄒子輩相師友學益邃觀其知
行合一之論心性即仁之說事心事大之旨正學正道之
辨率皆根本之學有實見也且薦於孝友兄表撫其孤如
所生至讓以居宗黨貧者輒賙之持身訓家咸以禮子姓
而下皆循：率由矩度又善誘後進士以問業至者語終
日不知疲義所當為事如學校祀則倡修之其費多已出
平生不計議人過至於事閔利害有可庇一方者則喜力
言之虽嫌間避嘗書四事以示同志曰君子無道人之過
無沒人之善無逞忿之事無作偽之行得非發其所身体

者以諭俗與自癸未通仕籍迄今餘四十年其仕而歸
而起而復歸者凡二十有六襮絕無一字抵政府其所
以齟齬者恒坐此也是以臺臣入楚省章剡數十上虽弗
克用以竟所施而隆名晚節固已焜耀於中外矣丙寅夏
卒於正寢所著有兩厓文集行於世所奏章疏其應詔
陳言有曰臣竊聞之天尊地卑君臣定位而其感召之
機亦以類應不可誣也頃者地震之異應在臣等奉職无
狀更復何辭伏念臣等備員大理刑名是司地陰道也不
可以羸刑陰事也不可以瀆臣等職所當言亦曰慎刑名
而已矣刑名弗慎自吏習弗清始次日清吏習吏習弗清

自士風弗止始也又次曰正士風三者相因而起相須而
成者也夫 國家於刑有律有令有例明且備矣然而行
之存乎其人苟非其人刑是以瀆今夫四方之獄何可紀
極即今轉詳於法司者十之一二耳臣等詳審其情與罪
戾者駁回再問亦十有一二焉然而道里之遠徃復經歲
坐斃於獄者不知其幾何矣由是覘之則其未達於法司
輾轉相尋或出或入或縱或枉又不知其幾何矣此豈刑
之故哉用刑者之罪耳是故知識昏怠者以明刑為難事
聰明才辨者以刑明為俗吏以刑為難昏怠使然无足恠
矣刑為俗吏析道與法而二之矣至乃競為文辭將以釣

名譽而獵仕進及其當事訟聚於庭則一事不能決吏抱
牒於前則一字不能下遂至假借於吏書之手甘心於朦
瞶之流細人緣以為姦何可勝數甚至卑汙者假刑以濟
其貪深刻者假刑以逞其忿觀望者假刑以售其伎刑罰
煩碎閭閻愁怨陰陽失和而地以弗靜未必非是之故矣
故曰慎刑名所以重陰道也伏乞勅諭內外問刑衙門務
各明慎聽斷仰体 皇上欽恤之仁仍 勅法司申明貪
酷之禁巡按御史嚴加廉訪之方所至之處稽考實政之
外推官知縣等官俱各試之刑名以驗其律法之生熟有
无假手於史書盖法初无二致仕學原非二理即此則官

之賢否大抵可據不必別有訪察而後知者矣如此則彼
貪酷者自恐其蹤跡之露而不敢肆騁文辭者自知一无
所用而不屑為吏習為之一清而刑政庶乎其少補矣故
曰清吏習所以為慎刑之助也然吏習之不清夙釀之而
成俗也歆從而正之亦豈人人得而面誡之哉以夙釀者
以夙示之卒之旧俗祛而善俗成是故其機不在督責而
在感孚其道不在枝葉而在根本其地不在四方而在
朝廷伏乞 皇上勅諭在 廷諸臣懋淳博大之規益從
公平之体以論政則先紀綱而後繁文以論人則貴端修
而賤藻薄以博古通今為實學以濟時利物為真才則聞

見規感之下爭相慕尚夙之所動由近及遠士行一變悉
歸於正以之當事無往不可豈特刑名而已故曰正士夙
所以為慎刑之本也夫士夙正而吏習清而刑名慎道化
旁敷紀氣協應地震之異無難弥者矣

浙江圖

浙江



浙江圖書館

瞿文懿公傳

王世貞撰

瞿文懿公者諱景淳字師道始家昆湖傍學者尊而不敢以官稱曰昆湖先生既卒而天子賜之謚曰文懿遂改稱文懿公云公之先有遯齋公者薄元德去隱常熟之湖上更五世為封武選公某又三世為封少宰公某又一世而為公公生十月能誦詩閏睢八歲善屬文十歲補博士弟子聲籍甚公之為經生業其思川湧雲聚頃刻得數百千言時甫踰冠而試輒屈其諸老先生人人自以為弗如也顧其試南京輒不利而於其業益精工務究於所以作者之旨而不為蹈狗所謂朱絃跡越一唱三歎有餘音者

矣吳中稱故相王文恪公經業為明冠獨公繼之王公會
元及第而公久困諸生間減父產教授里中自給意豁如
也會提學御史衡水楊先生識公以第一人試南京而侍
讀無錫萃先生拔公自弃卷寘前列其明年甲辰遂亦用
會元及第而天下以知人歸二先生授翰林院編脩之三
年分試禮部尋入內閣理 誥勅封懷慶諸王為副使奉
冊還投中貴人書再分試禮部滿九載最遷侍讀請急歸
侍秦太孺人與偕之京師復分試禮部尋主武試出主應
天試以久次為左春坊左諭德侍讀如故丁秦太孺人憂
歸服除守故官遷侍讀學士視翰林篆總校永樂大典復

主武試亡何以太常寺卿領南京圜子祭酒事已即南京
為 部右侍郎其尚書缺遂攝部事尋兼攝禮工部事三
載當入奏績而會 今上初以禮部左侍郎召旋用大典
摠校勞兼翰林院學士仍佐部事食二品祿公感奮曰
上果用我矣時大暑就道而病歸里上跡請告不許會病
小間強自力比比朝留侍經筵脩 先帝實錄 上所以
用公意益切而公病發益不支跡復乞骸骨 上庶公億
狀憐之予告歸不及一歲而卒訃聞 上為下所司治塋
諭祭二壇贈禮部尚書太常定今謚蓋異典也公為人孝
友天性篤至然不以峻行絜寬然長者也其為諸生貧甚

數弃不色戚既第日隆貴不色喜所接即匹夫孺子而不
以情見其最重若相臣而無卑儀貌不能中人而毅然有
三軍不可奪之氣其价使懷慶日而鄭王以言事忤旨徙
鳳陽繫而攝國事者世子懼譟為恭敬餞迎用幣重公一
切謝弗納其使恭順侯雅公故亦弗納也而上已密使
詞之矣侯乃感語公詞狀曰微公吾幾中明法公曰吾不
知也第吾所持使當如是耳公之請急還京師以衆謁相
嚴相嚴莊謂客曰倭旦夕平云何胡搃督才足辯也而南
中人徃徃為倭挫胡君何好亂也胡總督者相嚴客也公
前立應曰固也相公雖明遙度之不如不佞目覩也胡君


擁十萬師無尺寸効而賊日夜躡赤子財賦地不佞南中
人不得一單枕卧何言好亂也相公業不欲聞之誰為相
公聞者於是相嚴改容而謝公曰善夫生之箴我然數已
日攝公矣陸太保領緹騎與相嚴表裡其勢傾天下後先
有四妻至欲封其最後者而公頌誥勅以文請公執不可
相嚴為請之又不可則橐金而夜要公公笑不顧曰公毋
溷我吾所守禮也太保不自憚去學士地親而格重不當
祭酒即祭酒不當南而公意殊安之且曰吾懼夫不稱乎
抗顏者耳居四載無一書政府人問其故笑不答當公所
不可若氣勁甚而要歸於忠厚其佐吏部而張司務者迂

數迂公多吏譴及考察而尚書毛公欲黜之公為請曰是
迂故多吏譴未及格也竟免公之分考會試三主應試一
主武試二所推轂多天下賢士大夫而最著者為今元相
李公所為程式文行世誦之以為法四方造請碑誌序記
日踵門公投壁而應之有餘功其揮洒若不經意而規歐
藻蘇春容乎言之也公為德不近名為文不近好為吏不
近俗以故天下雖知公然不能盡公而其用公亦未盡以
為恠初道病欲歸而書李公曰諸公在廟廊固重用賢矣
而易於退不肖夫退則錮之與其誤而退賢也夫寧誤而
容不肖也且縣官方急材以南北無足使也不於此時博

選而厚植之一旦何以應詔李公矍然稱服公又具跡欲
有所言會病不及上而罷公之少也嘗扁舟巢湖中夜有
炬火數百千逼舟公厲聲叱之曰吾在何為者即應聲滅
以故公雅自負當大用及未盡用而人恠之以此有丈夫
子三而其長汝稷即以公廕入太學乞余傳者也

王生曰當先帝之歲甲辰而天下遂無不稱瞿文懿公
者然豈能為稱公哉明興大臣之得以文懿謚可指數

也而獨公與故儲公瑾其為第一人於甲辰同其謚同其
以文行當官慎勤同佐南銓而不及相以下壽終同皆名
實彬彬君子也夫以瞿公之眇小言天下事勁挺不阿貴



權者寧可皮相也太史公之致慨於留侯有以也



浙江圖書館





浙江圖書館



浙江圖書館



浙江圖書館

浙江圖書館善本


甲 登記號：006664

一九 年 月 日



浙江圖書館

colorchecker CLASSIC




















浙江圖書館

xrite



colorchecker CLASSIC



x-rite

100mm